

# MME ITEM EMI ENỌDE MME ANDITIENE-CHRIST

1 Peter 3:1-22; 4:1-19; 5:1-11

ỌYỌHỌ UKPEP-ŃKPỌ 453

Eke Ikpọ Owo

**IKỌ IBUOT:** “Ndien Abasi kpukpru mfọn, emi okokotde mbufo ete ediduk ke nsinsi ubọn Imọ ke Christ, ke ini, mbufo ema ekut ukut ke ekpri ini, eyenam mbufo efọn ema, enyuñ esọnọ eda, enyuñ ekop idem” (1 Peter 5:10).

## I Mme Item Emi Peter Ọnọde Ufọk Abasi

- 1 Peter ọnọ mme utom emi iban ye mme ebe ekpenamde, onyuñ etiñ nte iban emi etienede Christ ekpesinede ọfọn, 1 Peter 3:1-7; 1 Ẹwede Corinth 7:13-16; Ẹwede Mbon Ephesus 5:22-25
- 2 Enye ọnọ item abaña ima ye edidiana-kiet, ye edinyuñ nsoñ esit ke ukut ke nta Christ, 1 Peter 3:8-18; 4:1-5, 7-11; Ẹwede Mbon Rome 12:10; Ẹwede Mbon Colossae 3:12.
- 3 Christ ọkọkwọrọ ikọ ọnọ mme spirit ke ufọk-ńkpọkọbi mbemiso Enye ọkọdọk ke enyoñ, 1 Peter 3:19-22; 4:6
- 4 Inaha nte etie esen-esen ke ekikere mme anditiene-Christ ke ini mmọ enyenede ikañ-ikañ idomo, 1 Peter 4:12-19
- 5 Mbiowo enyene ndibọk otu-erọn Abasi ke erinyime esit, 1 Peter 5:1-4; Utom Mme Apostle 20:28; 1 Ẹwede Timothy 4:16
- 6 Efara ke idem, esuhọre idem, ekop idem, asua mbufo, kpa Satan ke okokuni oyom se editade, 1 Peter 5:5-10; Luke 22:31; 1 Ẹwede Thessalonica 5:6.

## SE EKPEPDE EBAÑA

### Mme Utom Iban Ye Mme Ebe

Nte Abasi ekemekde onim, erenowo enyene ndidi ibuot ke ufọk. Okposuk edi nte enye midighe andinim Eti-mbuk ke akpanikọ, enye osuk edi ibuot, ndien enyene ndidi ntre adaña nte edinam esie mibiọnọke mbet Abasi. Ekeme ndito ke edu-uwem ńwan esie, ndien ada ebe ọnọ Abasi. Sarah okokot Abraham ọbọn oto ke ukpono, ye edu eke misehe idem esie ikaha, edi nnyin inimke ke akpanikọ ite ke Abraham akakama enye nte ofin me nte eyen-ufọk.

Ẹwan ye ebe ekpenyene ndinyene ata ima nnọ kiet eken. Edieke nnyin idide mme anditiene-Christ, nnyin inyene ndibuana ke kpukpru ńkpọ-uwem emi: mbubehe, edu-uwem ke otu ye ke esit ufọk. Se eyen añwan otimde ama ke idem erenowo edi odudu ye uko. Se erenowo onyuñ otimde ama ke idem añwan edi uyai ye edinam akpanikọ. Uyai ke edu-uwem otim edi akpan ńkpọ akan uyai iso ye nte enye etiede. Eyen añwan edi mmeme ńkpọ ndien enye oyom ndinyene odudu emi otode erenowo; erenowo adara onyuñ onyime ima ye uñwam eke ńwan esie ekemede ndinọ.

Peter etiñ ete ke mmọ edi mme andinyene ebuana oto ke mfọn Abasi. Edieke mmọ edide mmọ emi esañade kiet enyene udeme, ndien mmọ edi ukem-ukem ke ńkañ ńkpọ spirit. Mmọ ekpenyene ndibuana kiet ye eken ke idara ye ukut, ke ńkpọ ọfọnde ye ke ọdiọkde.

### Edisine-Ńkpọ Iban

Edikama idem asana ye edisine-ńkpọ eke misọnke urua ikaha asaña ubọk kiet. Nda-mmana udọn ke eyen-añwan edi ndinam idemesie ọdọn owo itọn. Edi eyen-añwan emi etienede Christ iyomke ọkpọsọn mbana-idem man anam idemesie eye. Ọkpọsọn ndiọñidem ikemeke ndida itie suñ-suñ ye ifure-ifure spirit. Abasi ese esit; edieke esit ọfọnde, edisine-ńkpọ eyesaña kiet. Etiñ enọ nnyin ete ke mme iban eset emi mikọfiọkke Abasi ekesidọk idet mmọ ke ndidọn eme (gold) ke mme ufañ man otim ọdọn owo itọn. Oro otim anam añwaña “edidọk idet” emi Peter eketiñde abaña. Emi ama esitak okuk eti-eti; ndien ndiọñidem ke edisine-ńkpọ eke akpade ediwak okuk ikemeke ndida itie suñ-suñ edu-uwem. Udọn añwan emi etienede Christ edi ndiwut ke edu-uwem esie ete ke idi anditiene-Christ; idomoke ndinam ńkpọ man mbio efen ekut enye; ndinyuñ nduri udọn mmọ efen nnọ idemesie oto ke edisine-ńkpọ eke midotke me emi akpade ediwak okuk.

## **Ono Mme Spirit Ke Ufok Nkpokobi**

Ufañ Nwedi Abasi emi oson owo ndifiok. Nnyin ikeme ndida Iko Abasi ikpon ikabare Iko Abasi. Nnyin imofioke ite ke ufot ini mkpa Jesus ke kros ye eriset Esie ke mkpa, Enye ama aka Paradise; nte Enye okodohode owo ino ke kros ete, “Mfin emi afo eyedu ye Ami ke Paradise.”

Peter, ke usen Pentecost, ama okwororo ono otu owo abana eriset ke mkpa Jesus, ndien enye akada iko emi odude ke Psalm 16:10 “Koro afo mudukponke ukpon mi ke obio ekpo; uduyakke owo ima fo okut mbiara.”

Paul etin ono nnyin ke Nwedi Mbon Ephesus 4:7-11: “Edi ema eno kpukpru nnyin kiet-kiet nkpoko mfon eke nnyin, nte Christ ododomo ono nnyin. Mmoko edoho ete, ke adanemi enye odokde ke enyoni, Enye ada mbuot-ekon onyoni, Ndien ono owo eno. (Iko emi, ete, Enye odok, oworo didie? oworo ete, Enye ama onyuni osuhore edi mi ke ata idak isoni? Enye emi okosuhorede edi Enye emi odokde, okoni akan kpukpru mme Heaven, man Enye oyoho ke kpukpru nkpoko). Ndien Enye okono ndusuk owo nte mme apostle; onyuni ono ndusuk owo nte mme asiak-uduak Abasi, onyuni ono ndusuk owo nte mme oworo gospel, onyuni ono ndusuk owo nte mme andikpeme ye mme anditeme.” Ukem Iko Abasi emi odu ke Psalm 68:17, 18: “Mme chariot Abasi edi tosin edip, ye utoni ntak tosin tosin: Obon odu ke otu mmoko; Sinai odu ke edisana ebiet. Afo okodok ke enyoni, atani mbuot-ekon onyoni: obo eno ke otu owo.”

Ema etin eno nnyin ke eset ete ke ini emi andikara udim ekon akande ke akamba ekon, enye eyeda mme mbuot-ekon asana ebe ke efak, onyuni asuan mme eno emi enye okobode ono mme owo.

Deborah ke ikwo erikan esie ama okwo, “Demere, demere! Demere, demere, tin ikwo! O Barak, daha ke enyoni, eyen Abinoam, tani mbuot-ekon fo” (Judges 5:12).

Nnyin imofioke ite ke ini Jesus ama ekuset ke mkpa, Enye okwororo nte andikan idiok-nkpoko, mkpa ye obio ekpo. Ke Enye ama okodok ke Enyoni, Enye okono Edisana Spirit edi ke isoni emi, onyuni ono mme owo eno. Nso eti uwut-nkpoko itie ntem!

Ndusuk erikan ofuri-ofuri edidi ke ini Jesus edifiakde idi ndikara ke ereribot emi, edinyuni adade ndisana ikot Esie asana ebe ke mme efak obio Jerusalem, onyuni ono mmoko itie ndikara ye Enye.

Mme Iko Abasi emi enam nnyin inyene ntotonio ifiok ibana se Jesus akanamde ke ufot mkpa Esie ye eriset ke mkpa. Ke abana se Enye okokworode ono mbio oro ke Hades nnyin ifiokke. Edisana Nwedi Abasi itinike ino nnyin.

Nnyin imofioke ito ke mme ufañ Nwedi Abasi ite, ifet iduhe aba ke mkpa ebete ono owo ndinyene nsinsi uwem, “Ndien kpa nte ema enim eno owo ndikpa ini kiet, ndinyuni nda ke itie-ikpe ke oro ebete” (Hebrew 9:27). Ebiet edinam idem asana (Purgatory) iduhe emi owo ekemede ndika nketie tutu oku obon akam osio enye.

Nnyin imenyene ukpep-nkpoko emi Jesus okonode ke abana owo inyene ye Lazarus. Owo inyene ekebene Abraham odon Lazarus afiak aka ke ereribot okono ndito-ete esie ition item man mmoko ekudi ke itie ndutuhoro. Abraham okodohoro ete “Edieke mmoko mikpanke uton ino Moses ye mme prophet, mmoko idinimke ke akpaniko owo okpototo ke otu mme akpa-mkpa eset” (Luke 16:31).

Anam-idiok emi mikabakere esit ikpon idiok esie inyuni inyene erifen ke ini odude uwem ke ereribot emi, inyeneke ufañ ndiworo nkpok ubiomikpe idiok-nkpoko hell.

Abasi okono Jesus edi ke ereribot emi, onyuni onyime ete Enye edikpa ke kros man nnyin ikutak edi inyene nsinsi uwem. Enye ono nnyin ufañ ke uwem emi ndimek ebiet eke nnyin idibiatde nsinsi ini. Edi nnyin ima ibebe iduk nkan eken, okure.

## **Ikan-ikan Idomo**

Ndusuk ini, mme anditiene—Christ esisana ebe ke idak ikan-ikan idomo: mme idomo ke ukobo, mme idomo mfuhoro ke esit, mme idomo ke udono ye afanikon. Etin eno nnyin ndidara sia nnyin itienede ibuana ke mme ukut Christ. Ubon Jesus eyekpon eti-eti oto ke ntak okposon ukut emi Enye akasade ebe man efak nnyin. Edieke nnyin ibode ufen ke ntak Esie mi, iyenyene ata akwa idara ko. Edieke nnyin ikemede ndimum akpaniko oro nkama, enye eyeñwam ndinam mbiomo mkposon ukut nnyin efere. Edieke nnyin ibode ufen nte mme anditiene-Christ, nkpoko iduhe ndinam nnyin but mbaoro; edi edieke nnyin ibode ufen ke ntak mme idiok-nkpoko nnyin, emi ada but ono nnyin ye Eti-mbuk Jesus Christ.

Ikpe editoño ke ufok-Abasi. Nnyin ikemeke ndinam idiok-ñkpọ inyuñ ikere ite ke nnyin iyebọhọ. Nnyin iyedok awak akan nte ikotode. Ke ediwak ini, Abasi ototunọ nnyin man eneñere nnyin. Ofon adaña didie ndikop nnyuñ mbọ ntunọ ikpa mi nnyuñ nnyene udori nto enye, akan ndibọ ufen ke nsinsi! “Ndien edieke osọnde eti-eti ndinen owo ndibọhọ, ñkpọ editie didie ye mmọ emi mibakke Abasi ye moburobut owo?” (1 Peter 4:18).

### **Utom Ekpeme-erọñ**

“Bok mme erọñ Abasi.” Peter ikefreke ukpep-ñkpọ emi enye ekenyenede ke ndo-ndo oro mkpa ye eriset Jesus ema ekebe. Ke ñkpọ nte akande isua ita enye okosuk asaña ye Oboñ. Ema ekot enye esio ke utom ukọ-iyak esie, ete yak akabare edi okọ owo. Edi ke emi, oto ke mmem-idem, unana nduok-odudu ye ekikere edisuk ñka iso, enye ama etiñ ye ndusuk mbet Jesus, “Mmọñ ndika okọ.” Mmọ edọhọ enye ete, “Nnyin iyetiene fi ika.” Nnyin ikemeke ndiwaha ñkpọñ usuñ ntre ndinam mmọ efen ewaha ekpọñ usuñ ñko. Jesus ikokpọñke enye ke mmem-idem, edi akanam utibe-ñkpọ ndiyarare ñwut mme mbet ete ke Imọ idi ukem Jesus oro akasañade ye mmọ ke mben inyañ Galilee. Ke Enye ama okobok mmọ ama, Enye eketiñ nnen-nnen ke esit Peter, “Simon eyen John nte amama mi?” Jesus okobup mbume emi utim ikata. Nnyin imonim ite ke ini ke ini mbume emi osuhore oduk Peter ke esit man okuwaha okpọñ usuñ. Ke ini Jesus okodohode enye obok “mme erọñ” Imọ, Peter ama obok ukpep-ñkpọ emi enye midifreke.

Idahaemi, Peter ke onọ mme obok-erọñ eken item ete ebok otu-erọñ Abasi: ndinam enye ke ofuri esit, idighe ndinam nyom utip me udori ke okuk, emi mmọ ekenyenede; me ndidi mbọñ ke inyene Abasi. Mmọ edibok utip mmọ ke ini Akwa Ekpeme-erọñ edifiakde edi.

“Efara ke idem enyuñ ekpeme; asua mbufo, kpa Satan, ke oyoyo nte lion eke okunide, oyom se editade. Esọño eda ke mbuotidem. . . . Ndien Abasi kpukpru mfon. . . . eyenam mbufo efon ema, enyuñ esọño eda, enyuñ ekop idem” (1 Peter 5:8-10).

### **MME MBUME**

- 1 Ñwan-ndok akpakama didie ebe emi minimke Abasi ke akpanikọ?
- 2 Ebe akpakama ñwan esie didie?
- 3 Nso utọ mbana-idem ifon ikan nsọñ urua edisine-ñkpọ?
- 4 Nso udori ke inyene edieke ikutde ukut ke abaña Christ?
- 5 Nso eñwọño idiñwam nnyin ndisaña mbe ke idak ikañ-ikañ idomo?
- 6 Mme anie enyene ndibok otu-erọñ Abasi?
- 7 Nso ukpep-ñkpọ ke Peter ekekpep abaña edibok erọñ?
- 8 Anie odomo ndiwai erọñ?
- 9 Nso item ke Peter okonọ emi añwamde nnyin ndikpeme mbak asua?
- 10 Siak mme ñkpọ ita emi Jesus akakande oto ke mkpa ye eriset Esie?